

中國歷代神異典



廣陵書社

中國歷代神異典

江苏工业学院图书馆
藏书章

圖書在版編目(CIP)數據

中國歷代神異典 / 廣陵書社編. —影印本. —揚州: 廣陵書社, 2008.11

ISBN 978-7-80694-377-9

I. 中… II. 廣… III. 神—史料—中國—古代 IV. B933

中國版本圖書館 CIP 數據核字(2008)第 178878 號

書 名 中國歷代神異典

編 者 廣陵書社

責任編輯 胡 珍

出版發行 廣陵書社

揚州市文昌西路雙博館 郵編 225012

<http://www.yzglpub.com> E-mail: yzglss@163.com

印 刷 揚州市文津閣古籍印務有限公司

版 次 2008 年 11 月第 1 版第 1 次印刷

開 本 787 × 1092 毫米 1/16

印 張 202

標準書號 ISBN 978-7-80694-377-9/K·177

定 價 680.00 圓(全四冊)

出版說明

本書是對清代及以前神異流傳的一個總結，係根據《古今圖書集成》的《博物彙編·神異典》及《清朝文獻通考》和《清朝續文獻通考》的部分內容編輯而成，凡三百二十二卷。

《古今圖書集成》原名《彙編》，由清代陳夢雷編纂，後經雍正帝審閱，改名為《欽定古今圖書集成》，并由戶部尚書蔣廷錫等增刪重編，至雍正四年告成。《古今圖書集成》收羅宏富，內容廣博，體例周詳，分類細密，全書分六彙編，三十二典，六千一百零九部，共一萬卷，集我國古代文獻之大成，號稱『清朝第一大書』（康有為語），實際上也是我國現存最大的古代類書。

神的觀念產生於原始社會，是人們不能理解和駕馭自然力量以及社會力量時，這些力量以人格化的方式在人們頭腦中的虛幻反應。對神的信仰和崇拜，是一切宗教的核心。中國遠古宗教有自然崇拜、動物神崇拜、鬼魂崇拜和祖先崇拜等形式，其中以自然崇拜和鬼魂崇拜最為盛行。宗教的產生本身就是人類文化活動的結果，是人類文化發展史上一個重要的環節。宗教信仰、神話傳說，也是古代文化的積澱，表達了民衆對美好生活的祈求與向往。它的流傳跨度大多有幾千年，而且在不斷地發展、補充、修改，直至明清，甚至傳諸現世。

《古今圖書集成·博物彙編·神異典》分七十部、三百二十卷。先列『神異總部』，

再列天地各神、佛釋道各部，方士、方術、妖怪等部，每部先作『彙考』，詳細介紹有關情況，然後列舉該部人物，以下再據各部資料分列總論、藝文、選句、紀事、雜錄、外編等，系統而全面地收錄了上古至清初關於神異方面的相關資料。

《古今圖書集成》編於清初，而此後也沒有類似的彙編類書，故關於清代神異方面的資料祇能參考彙編清代文物典章制度資料的《清朝通典》、《清朝通志》、《清朝文獻通考》和《清朝續文獻通考》。這『四通』，所載清代典章制度自清初至宣統三年，是清代文物典章制度的總彙，可以說是貫通清代的事史。本書選輯其中的《物異考》內容共兩卷，并依類合并，重新分卷，編排總目，以便參考查閱。

我社於上世紀九十年代起陸續編輯印行《中國歷代食貨典》、《中國歷代經籍典》、《中國歷代文學典》、《中國歷代禮儀典》、《中國歷代考工典》、《中國歷代藝術典》、《中國歷代醫學典》諸書，由於按類彙編，資料翔實，收錄全面，給研究者帶來很大便利，得到了讀者的認可。今仍依舊例，輯成是書，以饗讀者。

廣陵書社編輯部
二〇〇八年十一月

中國歷代神異典目錄

第一冊

第一卷至第八卷

神異總部

一

第九卷至第十一卷

皇天上帝部

八五

第十二卷

后土皇地祇部

一一六

第十三卷

大明之神部

一二七

夜明之神部

一三四

第十四卷

夜明之神部

一三七

北斗之神部

一四〇

第十五卷

五星五行之神部

一四七

第十六卷

太一之神部

一五七

文昌之神部

一六五

第十七卷至第十八卷

文昌之神部

一七〇

第十九卷

列星之神部

一八八

第二十卷

風雲雷雨諸神部

二〇二

第二十一卷

風雲雷雨諸神部

二一〇

東嶽泰山之神部

二一二

第二十二卷

東嶽泰山之神部

二二〇

第二十三卷

南嶽衡山之神部

二二九

西嶽華山之神部

二三五

第二十四卷

西嶽華山之神部

北嶽恒山之神部

第二十五卷

北嶽恒山之神部

中嶽嵩山之神部

第二十六卷

東鎮沂山之神部

南鎮會稽山之神部

西鎮吳山之神部

北鎮醫無閭山之神部

中鎮霍山之神部

東瀆淮水之神部

第二十七卷

南瀆江水之神部

西瀆河水之神部

北瀆濟水之神部

二四一

二四八

二五四

二五五

二六三

二六六

二六七

二六八

二七〇

二七四

二七八

二八五

二九〇

第二十八卷

海神部

山川諸神部

第二十九卷至三十卷

山川諸神部

第三十一卷

山川諸神部

社稷之神部

第三十二卷

社稷之神部

寒暑之神部

太歲之神部

城隍之神部

第三十三卷

五祀之神部

八蜡之神部

第三十四卷

龍神部

二九四

三〇一

三〇七

三三八

三四〇

三四九

三五三

三五四

三五八

三六三

三七一

三七六

馬神部

三八四

先農之神部

三八七

第三十五卷

先農之神部

三九一

先蠶之神部

三九三

旗纛之神部

三九六

瘟疫之神部

三九八

第三十六卷

冥司部

四〇三

第三十七卷

關聖帝君部

四一七

第三十八卷

關聖帝君部

四二八

岳忠武王部

四三五

第三十九卷至第四十六卷

雜鬼神部

四四三

第四十七卷至第四十八卷

神像部

五三六

第四十九卷至第五十四卷

神廟部

五五二

第五十五卷至第五十八卷

二氏部

六一六

第五十九卷至第七十六卷

釋教部

六五六

第二冊

第七十七卷至第八十九卷

佛菩薩部

八三七

第九十卷至第九十四卷

佛像部

九七七

第九十五卷至第一百六卷

佛經部

一〇二五

第一百七卷至第一百十九卷

僧寺部

一一四九

第一百二十卷至第一百二十四卷

塔部

一二八六

第一百二十五卷至第一百五十五卷

僧部

一三三七

第三冊

第一百五十六卷至第二百二卷

僧部

一六一九

第二百三卷至第二百六卷

尼部

二〇七九

第二百七卷至第二百十一卷

居士部

二一一二

第二百十二卷

放生部

二一五六

第二百十三卷至第二百二十卷

道教部

二一六六

第二百二十一卷至第二百四十一卷

神仙部

二二三二

第四冊

第二百四十二卷至第二百七十卷

神仙部

二四三三

第二百七十一卷至第二百七十八卷

道書部

二七一二

第二百七十九卷至第二百八十二卷

道觀部

二七九六

第二百八十三卷至第二百九十一卷

方士部

二八四二

第二百九十二卷

女冠部

二九三五

第二百九十三卷至第三百二卷

靜功部

二九四一

第三百三卷至第三百四卷

服食部

三〇四六

第三百五卷至第三百九卷

方術部

三〇六五

第三百十卷

降筆部

三一〇七

楮幣部

三一一一

第三百十一卷至第三百十二卷

異人部

三一一六

第三百十三卷至第三百十四卷

異境部

三一三八

第三百十五卷至第三百二十卷

妖怪部

三一五五

第三百二十一卷至第三百二十二卷

物異考

三二〇九

欽定古今圖書集成博物彙編神異典

第一卷目錄

神異總部彙考一

上古伏羲氏一則 黃帝有熊氏一則
少昊金天氏一則 顓頊高陽氏一則
帝嚳高辛氏一則

陶唐氏 帝堯一則

有虞氏 帝舜一則

夏后氏 禹一則 孔甲一則

商湯一則 武乙一則 紂一則

周 紂一則 武王一則 宣王一則

秦 穆一則 始皇二則

漢 高祖二則 文帝一則 武帝元光一則
元封二則 太初一則 昭帝一則 宣帝神爵一則 成帝建
始一則 永始一則 綏和一則 哀帝一則
平帝元始二則

後漢 光武二則 中元一則 章帝元和

魏 文帝黃初一則

吳 吳主時一則

神異典第一卷

神異總部彙考一

上古

太昊伏羲氏與神鼎以致羣祠

按史記補三皇本紀不載 按路史後紀太昊伏羲

氏爰與神鼎制郊禪即命臣芒庖犧登龜使鬼物以

致群祠而升薦之

黃帝有熊氏受河圖接萬神始立官以司鬼神祠祀

按史記五帝本紀黃帝時萬國和而鬼神山川封禪

中國歷代神異典

第一卷

神異總部

與爲多焉

按竹書紀年黃帝軒轅氏五十年秋七月庚申鳳鳥

至帝祭於洛水

注 帝有聖德劾百神朝而使之驅應龍攻蚩尤以

女魃止淫雨天下既定群瑞畢臻五十年大霧三

日三夜晝昏帝問天老力牧容成曰于公何如天

老曰臣聞之國安其主好文則鳳凰居之國亂其

主好武則鳳凰去之今鳳凰翔于東郊而樂之其

鳴音中夷則與天相副以是觀之天有嚴教以賜

帝帝勿犯也召史卜之龜熈史曰臣不能占也其

問之聖人帝曰已問天老力牧容成矣史北面再

拜曰龜不違聖智故熈霧既降游于洛水之上見

大魚殺五牲以醴之天乃甚雨七日七夜魚流于

海得圖書焉龍圖出河龜書出洛赤文篆字以授

軒轅接萬神于明庭今塞門谷口是也 案或

按路史後紀黃帝即位十有五年喜天下之戴己乃

養正命樂耳目昏然五情爽惑于是放萬機舍宮寢

而肆志于昆臺方明執與昌寓參乘張若謂朋前馬

昆闢滑稽後車風后柏常從負書劍發軔紫宮之中

涉洹沙而屆陰浦陟王屋而受丹經登空同而開廣

成封東山而奉中華君策大面而禮甯生入金谷而

咨涓子心訪大恢于具茨即神牧于相成陞鴻臚受

神芝于黃蓋遂蓋羣神大明之虛而投玉策于鍾陰

歲己酉朔旦南至而獲神策得寶鼎爰與封禪于是

始有天地神民事物之官各司其序俾不相亂民是

以能有忠信神是以能有明德民神異業敬而不瀆

故神降之嘉生乃作合宮建靈殿以祀上帝接萬靈

于是采首山之銅鑄三鼎于荆山之陽以象太乙

按通鑑前編黃帝立六相暨史官

注 外紀曰黃帝得六相而天地治神明至

少昊金天氏與郊禪崇五祀作大淵之樂以諸人神

按路史後紀云云

顓頊高陽氏命重黎司天地以屬神人

按國語楚語昭王問於觀射父曰周書所謂重黎實

使天地不通者何也若無然民將能登天乎對曰非

此之謂也古者民神不雜民之精爽不懼貳者而又

能齊肅衷正其知能上下比義其聖能光遠宣朗其

明能光照之其聰能聽徹之如是則明神降之在男

曰現在女曰巫是使制神之處位夫主而爲之牲器

時服而後使先聖之後之有光烈而能知山川之號

高祖之主宗廟之事昭穆之世齊敬之勤禮節之宜

威儀之則容貌之崇忠信之質禋潔之服而敬恭明

神者以爲之祝使名姓之後能知四時之生犧牲之

物玉帛之類采服之儀彝器之量次主之度屏攝之

位壇場之所上下之神氏姓之出而心率舊典者爲

之宗于是乎有天地神明類物之官謂之五官各司

其序不相亂也民是以能有忠信神是以能有明德

民神異業敬而不瀆故神降之嘉生民以物享禍災

不至求用不匱及少皞之衰也九黎亂德民神雜糅

不可方物夫人作享家爲巫史無有要質民匱于祀

而不知其福祿享無度民神同位民遺齊盟無有嚴

威神狎民則不錫其爲嘉生不降無物以享禍災薦

臻莫盡其氣顓頊受之乃命南正重司天以屬神命

火正黎司地以屬民使復舊常無相侵瀆是爲絕地

中國歷代神異典

第一卷 神異總部

天通

按史記五帝本紀帝顓頊依鬼神以制義治氣以教化源誠以祭祀北至于幽陵南至于交趾西至于流沙東至于蟠木動靜之物小大之神日月所照莫不祗屬

按路史後紀帝顓頊設蕭鬱陳祿也仗萬靈以信順監衆神以道物馭百氣詔雷電采羽山葛嶧之銅鑄鼎以藏天下之神主諸著洞臺之山陰宮之丘悉真之移安德之石填焉

帝嚳高辛氏明鬼神而敬事之

按史記五帝本紀云云

陶唐氏

帝堯命舜攝位祀上帝及羣神

按書經虞書舜典正月上日受終于文祖在璿璣玉衡以齊七政肆類于上帝禋于六宗望于山川徧于羣神

按路史後紀帝堯立五府以享先祖而祀五帝祭以其氣迎牲殺于廷毛血詔于室以降土神然後樂作所以交神明也

有虞氏

帝舜命伯夷典天神地祇人鬼之禮又命重黎掌天地神祇

按書經虞書舜典帝曰咨四岳有能典朕三禮僉曰伯夷帝曰俞咨伯汝作秩宗夙夜惟寅直哉惟清伯稷稽首讓于夔龍帝曰俞往欽哉

秩宗掌序鬼神尊卑即周禮天神人鬼地祇周書呂刑皇帝哀矜庶戮之不幸報虐以威遏絕苗

民無世在下乃命重黎絕地天通罔有降格

堯命羲和世掌天地四時之官使人神不擾各得其序堯皇帝舜也按孔傳以帝爲堯與祭神互異今從祭傳

夏后氏

禹致孝于鬼神

按史記夏本紀云云

帝孔甲好鬼神事

按史記夏本紀帝孔甲立好方鬼神事夏后氏德衰諸侯畔之

商

湯承上下神祇罔不祗肅

按書經商書太甲伊尹作書曰先王顧譴天之明命以承上下神祇社稷宗廟罔不祗肅

言能嚴敬鬼神而遠之

帝武乙爲偶人謂之天神而僂辱之暴雷震死

按史記殷本紀帝武乙無道爲偶人謂之天神與之博令人爲行天神不勝乃僂辱之爲革囊盛血仰而射之命曰射天武乙獵于河渭之間暴雷武乙震死帝紂慢於鬼神

按史記殷本紀云云 按周本紀殷之末孫季紂廢先王明德侮蔑神祇不祀

周

周立官掌治天神地祇人鬼之事

按書經周書周官宗伯掌邦禮治神人和上下

治天神地祇人鬼之事

按周禮地官鼓人以雷鼓鼓神祀

雷鼓八面鼓也神祀祀天神也

以靈鼓鼓社祭

靈鼓六面鼓也社祭祭地祇也以路鼓鼓鬼享

路鼓四面鼓也鬼享享宗廟也

凡祭祀百物之神鼓兵舞帔舞者

釋曰上文神祀社祭鬼享不及小神故此更廣見小神之事鄭錡曰或謂祭祀用舞固不止於兵帔彼其神之小者有用兵舞帔舞之時雖止於二舞鼓人亦當鳴鼓以作之也神之小者或能爲人捍患故用兵舞或能爲人除去不祥故用帔舞

春官大宗伯之職掌建邦之天神人鬼地祇之禮以佐王建保邦國以吉禮事邦國之鬼神亦以禮祀祀昊天上帝以實柴祀日月星辰以槁燎祀司中司命觀師雨師以血祭祭社稷五祀五岳以狸沈祭山林川澤以福享祭四方百物以肆獻裸享先王以饋食享先王以祠春享先王以醴夏享先王以嘗秋享先王以粢冬享先王

鄭司農云昊天上帝也上帝元天也司中三能三階也司命文昌宮星風師箕也雨師畢也元謂昊天上帝冬至於圜丘所祀天皇大帝星謂五緯辰謂日月所會十二次司中司命文昌第五第四星或曰中能上能也社稷土穀之神有德者配食焉

五岳東曰岱宗南曰衡山西曰華山北曰恆山中曰嵩山郊特牲曰八蜡以祀四方四年不順成八蜡不通以謹民財也又曰蜡之祭也主先蠶而祭司蠶也祭百物以報蠶也凡祀大神享大鬼祭大元帥執事而卜日宿眠潞濮

中國歷代神異典

第一卷

神異總部

三

渚玉豐省牲饗奉玉齋詔大號治其大禮詔相王之大禮

小宗伯之職掌建國之神位右社稷左宗廟

大裁及執事禱祠于上下神

大司樂以六律六同五聲八音六舞大合樂以致鬼神

神

注以冬日至作之致天神人鬼以夏至作之致

地示物影動物羽蟲之屬

凡六樂者一變而致羽物及川澤之示再變而致蟲

物及山林之示三變而致鱗物及丘陵之示四變而

致毛物及墳衍之示五變而致介物及土示六變而

致象物及天神

注土祇原隰及平地之神原隰及平地以其生

九穀故知此土祇中非直有原隰亦有平地之神

也若然彼不言原隰而乃云土祇者欲見原隰中

有社稷故鄭君駁異義云五變而致土祇土祇者

五土之總神

若樂六變則天神皆降可得而禮矣

若樂八變則地示皆出可得而禮矣

注天神則主北辰地祇則主崑崙王昭禹曰言

天神則昊天上帝日月星辰風師雨師之屬莫不

以類而畢降言地示則大示社稷五祀五岳四瀆

山林川澤四方百物之屬莫不以類而畢出

大祝掌六祝之辭以事鬼神祈福祥求未貞一日

順祝二日年祝三日吉祝四日化祝五日瑞祝六日

災祝

注以事鬼神示者此六祝皆所以事人鬼及天神

地祇

掌六祈以同鬼神示一日類二曰造三曰禴四曰禋

五曰攻六曰說

義鄭經曰鬼神依人而行好惡未嘗不與人同然

亦有時不同人惡疾厲疾厲或至人惡災害災害

或生師欲有功或不功年欲順成或不順成未必

其心皆同故以六祈祈其同

辨六號一曰神號二曰鬼號三曰示號四曰牲號五

曰齋號六曰幣號

注神號若云皇天上帝鬼號若云皇祖伯某示號

若云后土地祇

武王懷柔百神

按詩經周頌時邁章懷柔百神及河喬嶽允王維后

按史記周本紀祭公謀父曰文王武王昭前之光明

而加之以慈和事神保民無不欣喜

靈王使長弘明鬼神事設射理首

按史記周本紀不載按封神書長弘以方事周靈

王諸侯莫朝周周力少長弘乃明鬼神事設射理首

理首者諸侯之不來者依物怪欲以致諸侯諸侯不

從而晉人執殺長弘周人之言方怪者自長弘

按拾遺記周靈王二十三年起昆崙之臺亦名宣昭

聚天下異木神土得尊谷陰生之樹其樹千尋文理

盤錯以此一樹而臺用足馮大幹為桁棟小枝為桶

柄其木有龍蛇百獸之形又飾木精以爲泥臺高百

丈昇之以望雲色時有長弘能招致神異王乃登臺

望雲氣鬱鬱忽見二人乘雲而至鬚髮皆黃非諸俗

之類也乘遊龍飛鳳之輦駕以青螭其衣皆縹緇毛

羽也王即迎之上席時天下大旱地裂木燃一人先

唱能爲雪霜引氣一噴則雲起雪飛坐者皆凜然宮

中池井堅冰可琢又設狐腋裘裘紫黑文褥熊罴是

西域所獻也施于臺上坐者皆溫又有一人唱能使

即席爲炎乃以指彈席上而暗風入室裘褥皆棄於

臺下時有客成子諫曰大王以天下爲家而樂異術

使變夏改寒以誣百姓文武周公之所不取也王乃

疎長弘而求正諫之士時異方貢玉人石鏡此石色

白如月照面如雪謂之月鏡有玉人機辰自能轉動

其弘言於王曰聖德所招也故周人以長弘媚詔而

殺之流血成石或言成碧不見其屍矣

秦

秦并天下常奉祠四帝及山川諸鬼神

按史記秦始皇本紀不載按封神書秦襄公既侯

居西垂自以爲主少皞之神作西時祠白帝其牲用

騂駒黃牛羗羊各一云其後十六年秦文公東獵汧

渭之間卜居之而古文公夢黃蛇自天下屬地其口

止于郿衍文公問史敦敦曰此上帝之徵君其祠之

于是作郿時用三牲郊祭白帝焉自未作郿時也而

雍旁故有吳陽武時雍東有好時皆廢無祠或曰自

古以雍州積高神明之隲故立時郊上帝諸神祠皆

聚云蓋黃帝時嘗用事雖晚周亦郊焉其語不經見

指紳者不道作郿時後九年文公獲若石云于陳倉

北阪城祠之

注蘇林曰質如石也索隱曰云語辭也正義曰三

秦記云太白山西有陳倉山山有石雞與山雞不

別趙高繞山山雞飛去而石雞不去晨鳴山頭聲

中國歷代神異典

第一卷 神異總部

四

開三里或言是玉雞括地志云陳倉山在岐州陳倉縣南又云寶雞神祠在漢陳倉縣故城中今陳倉縣東石雞在陳倉山上祠在陳倉城故言獲若石于陳倉北阪城祠之

其神或歲不至或歲數來來也常以夜光輝若流星從東南來集于祠城則若雄雞其聲殷云野雞夜確以一半祠命曰陳寶

注贊曰陳倉縣有寶夫人祠或一歲二歲與葉君合葉神來時天爲之殷殷雷鳴雉爲雉在長安正西五百里韋昭曰在陳倉縣寶而祠之故曰陳寶索隱曰列異傳云陳倉人得異物以獻之道遇二童子云此名爲媚在地下食死人腦媚乃言彼二童子名陳寶得雄者王得雌者霸乃逐童子化爲雉秦穆公大獵果獲其雌爲立祠祭有光雷電之聲雄止南陽有赤光長十餘丈來入陳倉祠中所以代俗謂之寶夫人祠抑有由也葉縣名在南陽葉君即雄雉之神故時與寶夫人神合也作鄭時後七十八年秦德公既立卜居雍後子孫飲馬於河遂都雍雍之諸祠自此興用二百牢于鄭時作伏祠

注索隱曰服虔云周時無伏秦始作之漢舊儀云伏者萬鬼行故閉晝日不干求也東觀漢記和帝初令伏閉晝日是也又曆忌釋曰伏者何金氣伏藏之名四時代謝皆以相生而春木代水水生木也夏火代木木生火也冬水代金金生水也秋則以金代火金畏於火故凡至庚日必伏庚者金也德公立二年卒其後六年秦宣公作密時于渭南祭

青帝秦靈公作吳陽上時祭黃帝作下時祭炎帝燔陽雨金秦獻公自以爲得金瑞故作畦時燔陽而祀白帝昔三代之君皆在河洛之間故嵩高爲中岳而四岳各如其方四瀆咸在山東至秦稱帝都咸陽則五岳四瀆皆并在東方自五帝以至秦軼典軼衰名山大川或在諸侯或在天子其禮損益世殊不可勝記及秦并天下令祠官所常奉天地名山大川鬼神可得而序也于是自殷以東名山五大川祠二曰太室太室嵩高也恆山太山會稽湘山水曰濟曰淮春以脯酒爲歲祠因泮凍秋涸凍冬養禱祠其牲用牛犢各一牢具珪幣各異自華以西名山七名川四曰華山薄山薄山者襄山也岳山岐山吳岳鴻冢瀆山瀆山蜀之汶山也水曰河祠臨晉河祠漢中湫淵祠朝那江水祠蜀亦春秋泮涸禱賽如東方名山山川而牲牛犢牢具珪幣各異而四大家鴻岐吳岳皆有嘗禾陳寶節來祠其河加有嘗醪此皆在雍州之域近天子之都故加車一乘駟駒四瀆產長水澧潯涇渭皆非大川以近咸陽盡得比山川祠而無諸加汧洛二瀆鳴潯瀆山岳嶠山之屬爲小山川亦皆歲禱賽泮涸祠禮不必同而雍有日月參辰南北斗熒惑太白歲星填星二十八宿風伯雨師四海九臣十四臣諸布諸嚴諸遂之屬百有餘廟

注晉灼曰自此以下至天淵王女凡二十六小神不說秦靈曰九臣十四臣並不見其名數所出故昔賢皆不論也爾雅祭星曰布或云諸布是祭星之處遂亦未詳漢書作遂

滴有昭明

注索隱曰按樂彥引河圖云熒惑星散爲昭明天子辟池

注索隱曰樂彥云辟池未聞顧氏以爲璧池即滴池所謂華陰平舒道逢使者持璧以遺滴池君故曰璧池

於社亳有三社主之祠壽星祠

注索隱曰社亳二邑有三社主之祠壽星蓋南極老人星也見則天下理安故祠之以祈福壽也而雍管廟亦有杜社主故周之右將軍其在秦中 smallest 鬼之神者各以歲時奉祠唯雍四時上帝爲尊其光景動人民惟陳寶

注索隱曰地理志杜陵故杜伯國有杜主祠四墨子云周宣王殺杜伯不以罪後宣王田于圃見杜伯執弓矢射宣王伏殺而死故祠之也雍有五時而言四者顧氏以爲兼下文上帝爲五非也按四時據秦舊而言秦襄公始列爲諸侯而作西時文公卜居汧渭之間而作鄭時皆非雍也至秦德公卜居雍而後宣公作密時祠青帝靈公作上時祠黃帝下時祠炎帝獻公作畦時祠白帝是爲四并高祖增黑帝而五也正義曰括地志云鄭時吳陽上下時是言秦用四時祠上帝青黃赤白最尊貴之也

故雍四時春以爲歲禱因泮凍秋涸凍冬養祠五月嘗駒及四仲之月祠若月祠陳寶節來一祠春夏用騂秋冬用騂時駒四匹木禺龍樂車一駒木禺車馬一駒各如其帝色黃犢羔各四珪幣各有數皆生瘞

埋無俎豆之具三年一郊泰以冬十月爲歲首故常以十月上宿郊見通權火拜於咸陽之旁而衣上白其用如經祠云西時咤時祠如其故上不親往諸此祠皆太祝常主以歲時奉祠之至如他各山川諸鬼及八神之屬上過則祠去則已郡縣遠方神祠者民各自奉祠不領于天子之祝官祝官有祕祝卽有舊祥輒祝詞移過于下

始皇二十八年東行郡縣祠名山大川及八神

按史記秦始皇本紀二十八年始皇東行郡縣上鄒嶧山立石與魯諸儒生議刻石頌秦德議封禪望祭山川之事乃遂上泰山立石封祠祀下風雨暴至休于樹下因封其樹爲五大夫禪梁父刻所立石乃臨于海還過彭城齋戒禱祠欲出周鼎泗水使千人沒水求之弗得乃西南渡淮水之衡山南郡浮江至湘山祠逢大風幾不得渡上問博士曰湘君何神博士對曰聞之堯女舜之妻而葬此於是始皇大怒使刑徒三千人皆伐湘山樹赭其山 按封禪書始皇東游海上行禮祠名山大川及八神求仙人羨門之屬八神將自古而有之或曰太公以來作之齊所以爲齊以天齊也其祀絕莫知起時八神一曰天主祠天齊天齊淵水居臨菑南郊山下者二曰地主祠太山梁父蓋天好陰祠之必于高山之下小山之上命曰時地貴陽祭之必于澤中圓丘云三曰兵主祠蚩尤蚩尤在東平陸監鄉齊之西境也四曰陰主祠三山五曰陽主祠之祭六日月主祠之萊山皆在齊北並渤海七曰日主祠成山成山斗入海最居齊東北隅以迎日出云八曰四時主祠琅邪琅邪在齊東方蓋

歲之所始皆各用一牢具祠而巫祝所損益珪幣雜異焉

始皇三十二年燕人盧生使入海還以鬼神事奏錄圖書

按史記秦始皇本紀二十一年始皇之碣石使燕人盧生求羨門高誓刻碣石門因使韓終侯公石生求仙人不死之藥始皇巡北邊從上郡入燕人盧生使入海還以鬼神事因奏錄圖書曰亡秦者胡也始皇乃使將軍蒙恬發兵三十萬人北擊胡略取河南地

漢

漢王二年更立社稷及黑帝祠令祠官禮祠諸神

按史記高祖本紀二年二月令除秦社稷更立漢社

稷六月令祠官祀天地四方上帝山川以時祀之

按封禪書漢王二年東擊項籍而還入關問故秦時上帝祠何帝也對曰四帝有白青黃赤帝之祠高祖

曰吾聞天有五帝而有四何也莫知其說于是高祖

曰吾知之矣乃待我而具五也乃立黑帝祠命曰北

時有司進祠上不親往悉召故秦祝官復置太祝太

宰如其故禮儀因令縣爲公社下詔曰吾甚重祠而

敬祭今上帝之祭及山川諸神當祠者各以其時禮

祠之如故

高祖六年立諸神祠令祠官女巫領祠之

按史記漢書高祖本紀俱不載 按史記封禪書漢

王二年立黑帝祠後四歲天下已定詔御史令豐謹

治枌榆社常以四時春以羊饗祠之令祝官立蚩尤

之祠于長安長安置祠祝官女巫其梁巫祠天地天

社天水房中堂上之屬晉巫祠五帝東君雲中司命

巫社巫族入先炊之屬

按索隱曰廣雅云東君日也王逸註楚詞雲中雲

也東君雲中亦見歸藏易也周禮以槱燎祠司命

鄭衆云司命文昌四星也正義曰先炊古炊母之

神也

秦巫祠社主巫保族蠱之屬

按索隱曰社主卽上文三社之主巫保族蠱二神

名

荆巫祠堂下巫先司命施糜之屬

按索隱曰巫先謂古巫之先有靈者蓋巫咸之類

也施糜鄭元謂主施糜粥之神

九天巫祠九天

按索隱曰孝武本紀云立九天廟於甘泉三輔故

事云胡巫事九天於神明臺淮南子云中央曰鈞

天東方曰蒼天東北曰旻天北方曰元天西北曰幽天西

方曰皓天西南曰朱天南方曰炎天東南曰陽天是爲九天

也正義曰太元經云一中天二漢天三徙天四罰

更天五辟天六郭天七咸天八治天九成天也

皆以歲時祠官中其河巫祠河于臨晉而南山巫祠

南山秦中秦中者二世皇帝各有時月

按張晏曰子產云匹夫匹婦強死者魂魄能依人

爲厲

文帝十三年詔增諸神祠車馬珪幣俎豆之屬

按史記漢書文帝本紀俱不載 按史記封禪書文

帝十三年制曰朕卽位十三年于今賴宗廟之靈社

稷之福方內安民人靡疾問者比年登朕之不德

何以饗此皆上帝諸神之賜也蓋聞古者饗其德必

中國歷代神異典

第一卷 神異總部

六

報其功欲有增諸神祠有司議增雍五時路車各一乘駕被具西時畦時禺車各一乘禺馬四匹駕被具其河湫漢水加玉各二及諸祠各增廣壇場珪幣俎豆以差加之而祝釐者歸福於朕百姓不與焉自今祝致敬母有所祈

武帝元光二年郊見五時又立祠祀泰一諸神

按史記武帝本紀上初至雍郊見五時亳人薄誘忌奏祠泰一方曰天神貴者泰一泰一佐曰五帝古者天子以春秋祭泰一東南郊用太牢具七日為壇開八通之鬼道於是天子令太祝立其祠長安東南郊常奉祠如忌方其後人有上書言古者天子三年一用太牢具祠神三一天一地一泰一天子許之令太祝領祠之于忌泰一壇上如其方後人復有上書言古者天子常以春秋解祠祠黃帝用一梟破鏡冥羊用羊祠馬行用一青牡馬泰一臯山山君地長用牛武夷君用乾魚陰陽使者以一牛令祠官領之如其方而祠於忌泰一壇旁其後天子苑有白鹿以其皮為幣以發瑞應造白金馬其明年郊雍獲一角獸若鹿然有司曰陛下肅祇郊祀上帝報享錫一角獸蓋麟云於是以為五時時加一牛以燎賜諸侯白金以風符應合於天地

按漢書武帝本紀元光二年

元符二年以齊人少翁言作甘泉宮置祭具以致天神

按史記武帝本紀獲麟明年齊人少翁以鬼神方見上上有所幸王夫人夫人卒少翁以方術蓋夜致王夫人及竈鬼之貌云天子自帷中望見焉於是乃拜少翁為文成將軍賞賜甚多以客禮禮之文成言曰

上即欲與神通宮室被服不象神神物不至乃作畫雲氣車及各以勝日駕車辟惡鬼又作甘泉宮中為臺室畫天地泰一諸神而置祭具以致天神居歲餘其方益衰神不至乃為帛書以飯牛詳弗知也言此牛腹中有奇殺而視之得書書言甚怪天子疑之有識其手書問之人果為書於是誅文成將軍而隱之其後則又作柏梁桐柱承露仙人掌之屬矣

元符元年明

元符二年置壽宮設供具以禮神君

按史記武帝本紀文成死明年天子病鼎湖其巫醫無所不致至不愈游水發根乃言曰上都有巫病而鬼下之上召置祠之甘泉及病使人問神君神君言曰天子母憂病病少愈強與我會甘泉於是病愈遂幸甘泉病良已大赦天下置壽宮神君神君最貴者太一其佐曰太一禁司命之屬皆從之非可得見聞其音與人言等時去時來則風肅然也居室帷中時書言然常以夜天子祕然後人因巫為主人關飲食所欲者言行下又置壽宮北宮張羽旗設供具以禮神君神君所言上使人受書其言命之曰書法其所語世俗之所知也母絕殊者而天子獨喜其事祕世莫知也

元鼎四年使樂大公孫卿等侯神人又立壇祀泰一及羣神

按史記武帝本紀樂成侯上書言樂大樂大膠東宮人故嘗與文成將軍同師已而為膠東王尚方而樂成侯姊為康王后母子康王死他姬子立為王而康后有淫行與王不相中得相危以法康后聞文成已

死而欲自媚於上乃遺樂大因樂成侯求見言方天子既誅文成後悔恨其早死惜其方不盡及見樂大悅大為人長美言多方略而敢為大言處之不疑大言曰臣嘗往來海中見安期羨門之屬顧以為臣賤不信臣又以為康王諸侯侯爾不足方臣數言康王康王又不信臣臣之師曰黃金可成而河決可塞不死之藥可得仙人可致也臣恐效文成則方士皆掩口惡言方士上曰文成食馬肝死爾子誠能修其方我何愛乎大曰臣師非有求人人主求之陛下必欲致之則貴其使者令有親屬以客禮待之勿卑使各佩其信印乃可使通言于神人神人尚肯邪不邪致尊其使然後可致也於是上使先驗小方闕旗旗自相觸擊是時上方憂河決而黃金不就乃拜大為五利將軍居月餘得四金印佩天子將軍地士將軍大通將軍天官將軍印詔詔御史昔禹疏九江決四瀆問者河溢卑陸隄繇不息朕臨天下二十有八年天若遺朕士而大通焉乾稱蜚龍鴻漸於般意庶幾與焉其以二千戶封地士將軍大為樂通侯賜列侯甲第僅千人乘輿斥車馬帷帳器物以充其家又以衛長公主妻之齋金萬斤更名其邑曰當利公主天子親如五利之第使者存問所給連屬於道自大主將相以下皆置酒其家獻遺之於是天子又刻玉印曰天道將軍使使衣羽衣立白茅上五利將軍亦衣羽衣立白茅上受印以示弗臣也而佩天道者且為天子道天神也於是五利常夜示其家欲以下神神未至而百鬼集矣然頗能使之其夜治裝行東入海求其師云大見數月佩六印貴振天下而海上

燕齊之間莫不益腕而自言有禁方能神仙矣其夏
六月中汾陰巫錦爲民祠魏雁后土營旁見地如鉤
狀格視得鼎鼎大異於衆鼎文錢無款識怪之言吏
吏告河東太守勝勝以聞天子使使驗問巫錦得鼎
無姦詐乃以禮祠迎鼎至甘泉從行上薦之至中山
晏溫有黃雲蓋焉有應過上自射之因以祭云其秋
上幸雍且郊或曰五帝泰一之佐也宜立泰一而上
親郊之上疑未定齊人公孫卿曰今年得寶鼎其冬
辛巳朔旦冬至與黃帝時等卿有札書曰黃帝得寶
鼎姬侯問於鬼臾區區對曰黃帝得寶鼎神策是歲
己酉朔旦冬至得天之紀終而復始于是黃帝迎日
推策後率二十歲得朔旦冬至凡二十推三百八十
年黃帝仙登于天卿因所忠欲奏之所忠視其書不
經疑其妄書謝曰寶鼎事已決矣尚何以爲卿因發
人奏之上大悅召問卿對曰受此書申功申功已死
上曰申功何人也卿曰申功齊人也與安期生通受
黃帝言無書獨有此鼎書曰漢興復當黃帝之時漢
之聖者在高祖之孫且曾孫也寶鼎出而與神通封
禪封禪七十二王惟黃帝得上太山封申功曰漢主
亦當上封上封則能仙登天矣黃帝時萬諸侯而神
靈之封居七千天下名山八而三在蠻夷五在中國
中國華山首山太室太山東萊此五山黃帝之所常
遊與神會黃帝且戰且學仙患百姓非其道乃斷斬
非鬼神者百餘歲然後得與神通黃帝郊雍上帝宿
三月鬼吏區號大鴻死葬雍故鴻冢是也其後黃帝
接萬靈明廷明廷者甘泉也所謂塞門者各口也黃
帝采首山銅鑄鼎於荆山下鼎既成有龍垂胡頰下

迎黃帝黃帝上騎羣臣後宮從上龍七千餘人龍乃
上去餘小臣不得上乃悉持龍頰龍拔黃帝之
弓百姓仰望黃帝既上天乃抱其弓與龍胡頰號故
後世因名其處曰鼎湖其弓曰烏號於是天子曰嗟
乎吾誠得如黃帝吾視去妻子如脫躡耳乃拜卿爲
郎東使候神于太室上遂郊雍至隴西西登空桐幸
甘泉令祠官寬舒等具泰一祠壇壇放薄忌泰一壇
壇三垓五帝壇環居其下各如其方黃帝西南除八
通鬼道泰一所用如雍一時物而加醴棗脯之屬殺
一犛牛以爲俎豆牢具而五帝獨有俎豆醴進其下
四方地爲饌食羣神從者及北斗云已祠昨餘皆燎
之其牛色白鹿居其中甃在鹿中水而泊之祭日以
牛祭月以羊甃特泰一祝宰則衣紫及纁五帝各如
其色日赤月白十一月辛巳朔旦冬至昧爽天子始
郊拜太一朝朝旦夕夕月則揖而見太一如雍禮其
贊贊曰天始以寶鼎神策授皇帝朔而又祠終而復
始皇帝敬拜見焉而衣上黃其祠列火滿壇旁壇旁
烹炊具有司云祠上有光焉公卿言皇帝始郊見泰
一雲陽有司奉瑄玉嘉牲薦饗是夜有美光及黃
氣上屬天太史公祠官寬舒等曰神靈之休祐福兆
祥宜因此地光城立泰畤壇以明應令太祝領祀及
臘間祠三歲天子一郊見其秋爲伐南粵告祀泰一
以牡荆畫幡日月北斗登龍以象天一三星爲泰一
錄名曰靈旗爲兵禱則太史奉以指所伐國而五利
將軍使不敢入海之泰山祠上使人微隨驗實無所
見五利妄言見其師其方盡多不備上乃誅五利其
冬公孫卿候神河南見仙人跡緱氏城上有物若雉

往來城上天子親幸緱氏城視跡問卿得無效文成
五利乎卿曰仙者非有求人主人主求之其道非少
寬假神不來言神事事如迂誕積以歲乃可致於是
郡國各除道繕治宮觀名山神祠所以望幸矣
爲東漢書本紀卷元鼎
四年申功功字封禪書作公
元封元年東巡禮登中岳祠八神封泰山令齊人入
海求蓬萊神人
按史記武帝本紀上議曰古者先振兵澤旅然後封
禪乃遂北巡朔方勒兵十餘萬還祭黃帝冢橋山澤
兵須如既至甘泉爲且用事太山先類祠太一上與
公卿諸生議封禪齊人丁公年九十餘曰封者合不
死之名也秦皇帝不得上封陛下必欲上稍上即無
風雨遂上封矣上於是乃令諸儒習射牛草封禪儀
數年且行天子既聞公孫卿及方士之言黃帝以
上封禪皆致怪物與神通欲放黃帝以嘗接神仙人
蓬萊士高世比德於九皇而頗采儒術以文之群儒
既以不能辨明封禪事又牽拘於詩書古文而不敢
聘上爲封禪器示群儒群儒或曰不與古同徐偃又
曰太常諸生行禮不如魯善周霸屬圖封事於是上
絢偃霸盡罷諸儒弗用三月東幸緱氏禮登中岳太
室從官在山下若聞有言萬歲云問上上不言問下
下不言於是以前三百戶封太室奉祠命曰崇高邑東
上泰山遂還海上行禮祠八神齊人之上疏言神怪
奇方者以萬數然無驗者乃益發船令言海中神山
者數千人求蓬萊神人公孫卿持節常先行候名山
至東萊言夜見一人長數丈就之則不見見其跡甚
大類禽獸云羣臣有言見一老父牽狗言吾欲見巨